

医验大成 二



一人左手虛數兩尺虛滿有眩運夢泄滑精諸恙此係腎陰不足腎臟一虧氣無所藏氣不足以攝精致潤下遺滑水不足以制火故炎上而眩暈此坎離不交之故宜寡慾以固元精却勞以保母氣若徒事藥石則末也

方 當歸 白芍 生地 麥冬 山藥 知母 玄參

甘菊 天麻 茯神 棗仁

一人食冷物作泄一時負重遠行以致腰痛如折難以任勞腹中作响飲食少進脉瀼而弱中氣不足也即勞倦傷為不足之症

方 白朮 蒼朮 人參 黃芪 當歸 山藥 澤瀉



茄皮 杜仲 米仁

一人性多憂慮苦驚喜忘不寐多汗遺精洩赤咳嗽吐血咽痛
口瘡左脉大而芤左手属血脈訣云脉大而芤者為脫血經云
憂愁思慮曲運神机則傷心此為心血不足天君不寧之症天
王補心丹主之

方 人參 白朮 玄參 丹參 遠志 桔梗 各五錢 五味

當歸 天冬 麦冬 栢子仁 枣仁 各一兩 生地 四兩

愚按心為君火主脉過勞其心則火妄動而脉湧溢血越竅
而出也火者金之所畏心移熱于肺故令咳嗽心與小腸為表
裡心移熱于小腸故令洩赤心主血在內為血發外即為汗虛

則開闔失司故令溢出四体心之脉係于舌本咽痛口瘡皆虛
陽之內灼心為神室虛則邪氣襲之故苦驚喜忘心血不足則
心系急引神無所依卧而不得瞑也道家以精譬汞神譬水
火發則汞飛陽動于中精搖于外亦猶是也

一人六脉弦而大左手獨甚症見面青轉筋爪甲痛善恐精神
不守眩暈目昏脇痛口苦不能久立此為肝傷筋極之候宜用
六味丸加枸杞五茄皮之類古人云腎肝之病同一治所謂虛
則補其母也

愚按肝者將軍之官謀慮出焉因謀而不決拂而教怒久則
傷其肝東方之色也病則色微于面矣轉筋者肝主筋也竭

津液則失其潤養而作勁急也爪甲痛者爪乃筋之餘也筋屬木，極而金承之也不能久立者筋虛不能束骨也注曰諸風掉眩皆屬肝木又曰狗蒙招搖目眩耳聾下虛上寔過在足少陽厥陰甚則入肝眼為肝之竅得血而能視今肝傷少血故目昏腸乃肝之區謀慮不決則心氣凝結故脇痛肝移熱于膽胆汁上溢而口苦肝藏魂肝勞則邪居之故令精神不守而恐一人稱年天真早虧兩尺微滿寸口近駛背難俯仰小腹裡急小便赤澀溺後餘瀝囊濕生瘡腰痛氣短齒齕下冷此嗜慾精傷腎勞之症也治宜壯水之主以制陽光固精健脾以滋化源愚按五臟皆有精惟腎為藏精之都會靜則精藏躁則消亡矣



夫精主封填骨髓精以入房而竭骨髓空虛是以背難俯仰轉
為腎府腎傷而腰亦痛也前陰者腎之竅腎氣足則能常舉而
洩溺腎氣怯則欲便而不利既便而有餘澀皆因腎虛而失其
開闔之常也腎者水臟傳化失宜則水氣留之而生濕熱故全
囊濕生瘡小腹裡急者乃真水枯而火無制故灼小腹筋膜而
作裡急也齒乃腎之標為骨之餘骨賴髓養故精固則齒堅腎
衰則齒齲短氣者以呼出心與肺吸入腎與肝腎傷則吸自微
陰併于下陽格于上所以以下冷也

一人病怔忡善忘口淡舌燥多汗四肢疲軟發熱小便白濁脉
息虛大而數此由思慮過度厥陰之火為患寧養心以寧神和

肝以清熱

方

茯神

棗仁

遠志

熟地

麥冬

黃柏

杜仲

骨皮

甘草

一人咳嗽少痰脉常微數陰分有虧之象用六味丸加麥冬五

味治驗

一人日晡不時熱陰虛而陽不能制也耳鳴頭暈虛火有升無降也午後飲食作脹脾虛不能運也交半夜不能寐心血大虛也容易感冒膝理不密也總之營衛兩不足況兼脾胃不寔下部作腫當健脾胃扶正氣則氣血自旺而諸症退矣

方

茯神

白朮

錢二分
土炒

廣皮

人參

錢一分

砂仁

錢一分
煨研

棗仁

錢一分
土炒

杜仲

錢四分
鹽水炒



山藥一錢 續斷一錢 白芍一錢 丹參一錢

一婦外怕寒內怕熱整夜不睡將及四月矣近來面色浮腫飲食少進又且惡心有作酸意手足瘦弱面部及下部俱虛腫大便小便如常六脈浮數無力此陰陽兩虛禁用寒涼等劑

方 廣皮 半夏 黃連 茯神 棗仁 藿香 木香

白朮 芍藥 人參 益智 調理丸方用腎氣丸

一婦人症上感下虛乃火有餘而經水不足也火不歸元則火浮散于上為咳血為痰嗽發熱為眩暈頭痛而上感之症日見矣氣不歸經則氣無所主精血不生為腰痛骨疼之弱或冷或腫或淫不調或精氣滑而下虛之症日增矣總屬陽旺陰虛切

不可用寒涼之劑如刻下身熱咳嗽頭疼骨痛俱屬陰虛發熱之症須究根究本堅固其精氣快暢其胸臆永無上不足之症

方 萸肉 熟地 乾姜 薑 甘草 炙 人參 黃芪 牛膝

白朮 補骨脂 益智 茯苓 山藥 苡仁

一人潮熱咳嗽盜汗左右脉俱帶數而滑提屬陰分有虧之象酒戒怒塞慾病源不致日增先服煎劑以治其標後服完方以

治其本

方 麥冬 五味 桑皮 骨皮 知母 銀柴胡 熟地

白芍 貝母 甘草 九方 六味加麥冬五味

一人因糙糧飢勞頻患頭痛身熱滿身疼痛惡食狀似傷寒至

數日後予診之右手寸關浮大重按少力左脉微弱此症雖外感而得寔係平日飢飽失時勞役過度元氣內傷而致外邪易于湊之耳不可誤用汗下等劑且見痰氣上升不省人事先活絡丹一丸進之利其關節至晚痰降安睡明日身涼遍体疼痛亦減遂以六君子湯加減施治

方 人參 白朮 茯苓 甘草 廣皮 半夏 白芍

藿香 煨姜

一人細診其脉肺部細小無力肝部重按少神肺病則降下之全肺主氣也肝病則火無所滋而心家亦受其損為其木能生火母病而子亦病并其脾土亦傷之極矣要之一身之中以氣

為主三部受病而兼向來腎家不足自然不能納氣歸元致有種之異症曾服煎劑以治其標今復製七味丸以治其本

方 熟地 各四 山藥 各四 丹皮 茯苓 澤瀉 各三 肉桂

有升無降者火也氣也六味加桂未能奏績還應從腎氣丸治之但附子未應驟加只酒地黃加桂牛膝車前為得

己卯臘月底次兒在東土發熱不止不省人事晝夜不睡舌如芒刺兩手撮空摸床尋衣謔語不歇目赤面紅下部周身按之痛楚難動如此三四日始入城報知急下鄉看之病形統似陰陽症細診其脉浮而無力重按全無乃陰症似陽病急以補中益



氣加桂參芪每味止一錢服之前症更甚急以歸脾湯加參六錢桂五分半夜後照前加參六錢天明又以補中益氣加參六錢漸覺安妥畧能睡去然謔語終未歇非謔語乃鄭聲也謔則屬陽鄭則屬陰故耳但遍體筋骨疼痛急服活絡丹一丸身上痛止熱亦漸涼神氣頓覺清爽矣三日後滿身發水泡如珠從前之風濕底幾稍解而二十餘日大便不利一解之後又復大瀉不已仍朝用補中益氣而投以八味丸夜用導脾而亦投以八味丸如此調理兩月餘始得起身嗟乎此等症君誤認外感以汗藥發其表寒藥涼其肌必殆無疑矣醒後細審其因值大寒時空腹達行兼之惱怒乃因內傷真氣勞動筋骨攪亂心胸

陰陽兩傷也如再遲屬不治矣

下保金匱章病原夫火有二有君火有相火君火即五行之火
乃燎原之火也相火即龍雷之火得濕則炳遇水則熄若不識
其性而以^水折之以濕攻之適足以光焰燭天矣蓋相火寄體
肝腎之間即小腹下之左亦旁及于右乃水中之火故曰龍雷
之火不可以寒涼治內經所謂君火正治相火反攻是也正治
而用清火之劑人^之知之反攻而用溫補病人不肯用匠人不
能用即肉桂附子是已此二味原與相火司氣直入肝腎之中
據其窟宅而引之歸原耳今尊恙氣逆小腹之下直奔于上此
腎虛不能納氣歸元也氣不歸則精不攝而夢泄之病屬至矣



氣既不歸元則脾土無所滋養而脾胃之氣不生脾胃之氣不生則五臟之氣不至五臟之氣不至則無根之火浮散無定處以四肢疲軟不能履地虛火攻冲延及于心包絡則恍惚飄蕩無主所以不寐而畏声响胃家雖能納食止助陰腎之濁氣濁氣愈旺則陽氣愈加浮散而發熱內外上下飛越無定元氣反為盜去所以懶怯而口不能重語怕寒而身不能出牀慢所以漸痿瘦久卧床褥而不能舉步履地矣內經曰天無此火不能生萬物人非此火不能有生正指龍雷之火即水中之火也今以八味丸用以補水中之火早上用正所謂補天真之火又以六君子湯加桂附以補中州之母氣日間用兼以補脾土之用每日兩

劑則腎自歸經火自歸原譬之春氣一回遍地陽和萬物自能
生長安得復痿頓于床褥間耶若云桂附助邪火參朮滯邪熱
愚不得而知也在高明者自能辨之

一友三十四歲為七情所傷遂致脾氣不寔此胃強脾弱不
之症已成必須氣血兼補

方 山藥 杜仲 茯苓 枸杞 甘草 白芍 山茱萸

熟地 五味 白朮 人參 當歸 腹皮 補骨脂

一人小便淋漓五年餘矣此平時醉飽房勞之故也近復感冒
傷食乍寒乍熱五六日不止左右脉浮而帶數兩尺重按無力
而右尺更甚內經所謂倏忽往來時作時止責其無火晝見夜

伏夜凡晝伏青其無水又曰陰虛生熱陽虛生寒總屬陰陽兩
虛症又云膀胱為津液之府氣化則能出小便不利正因精氣
虧損不能運化津液所致耳水虧宜壯水之主陽虛宜益火之
原陽氣下陷中氣受損宜升之補之空心用補中益氣加減培
其中州上下午以腎氣丸調其水火 如小便不利暫用滋腎
凡一二錢 黃柏 知母冬 肉桂五分

夫腎主二便開竅于二陰此腎氣一弱二便為之不利治宜滋
腎化源為主法當用六味丸服之久自愈平時用冷水而乘
快者為因自己之真水不足故藉外水以相濟耳六味丸加黃
柏二兩敗龜板三兩

一人心經有火上炎致兩臂作楚自覺無光正內經所謂大明
 勝則小明減邪害孔竅是也凡利酒補心丹加減臨臥時服
 更用地黃丸加味早上頻復自然奏效

天王補心丹
 加減
 茯神
 遠志
 柏子仁
 黃連
 甘草
 丹參
 玄參

生地芍藥
 石菖蒲
 麥冬
 甘菊
 人參
 水二鐘生

姜一小片煎五分臨睡時服若欲製丸即以十帖料為

末煉蜜丸硃砂為衣每服二錢或酒或白湯送下

六味丸
 加味
 甘菊
 二兩
 枸杞
 二兩
 五味子
 一兩
 麥冬
 二兩

一人虛寒之極則肛門脫出應服溫補寔脾之劑

方
 人參
 二兩
 白朮
 二兩
 白芍
 兩半
 五味
 二兩
 訶子肉
 二兩
 查肉
 一兩
 山藥
 兩半

